

Ra Saeh Ciengx Sim

□ Vangz Lizboh/黄立波

Ranz caengz rongh, gou gaenq singj gvaqdaej. Sonhag seiqcib bi gvaqdaej, cungj dwg yienghneix, gvenq lo. Duiyouh le cungj gaij mbouj ndaej, cungj roxnyinh youqndwi mbouj gvenq. Hwnqdaej caemz soujgih, yawj sinhvwnz daengjdaengj.

Gyangaet caet diemj, gou couh daenj haiz okdou, byaij buenq aen cung daej daengz gvangj Cangz, haiheij lienhdang. Couh yienghneix, lienhdang、guhcaemz、baeyouz, gij hozdung neix couh dwg gou moix ngoenz aeu guh.

Roxnyinh daengz ngamq duiyouh seizde, aen sim hoengqliuliu, mbouj rox guh maz, daengx ngoenz cungj youq mbouj baenz. Gwnz daizsaw mbouj miz geij dab cozyez daeb youq sangrwdrd, henz rwz caiq mbouj miz gij sing hemqgigi gya’ gya. Hwnjban seizde, moix ngoenz mbouj dwg hwnjdangz couh dwg bae caijfangj, cungj miz haujlai saeh bae

guh, nyaengqdidi hix angqfofo, saedcej gvaq ndaej gig rimhoz. Ndaejhoengq couh caeuq bouxdaeuz, caeuq lauxsae, doxcomz ganggoj, doxson doxhag…… Daj duiyouh le, saedcej gvaq ndaej mbwqbywdbywd, caemriri, mbouj caiq nauhyied.

Baengzyoux raen gou simfanz, couh heuh gou bae gwncaz ganggoj, naeuz yaek ra di hong ndeu hawj gou guh. De gietdingh daiq gou bae camgya aen Sawcuengh caijfungh hozdung ndaw si. Gou gag naemj: Caijfungh couh dwg okrog bae byaijbyaij youzlangh, feiq seizgan cixbah miz maz yungh ne?

Youq duenh seizgan haenx, gou couh caeuq gyoengq baengzyoux faenbied bae daengz Dunghlanz Yen caeuq Dwzbauj Yen caijfungh. Moix daengz giz dieg moq, gou caen dwg ndaejik gig laeg, hawj vunz rwz singj da rongh. Byaij daengz gizlawz cungj ndaej yawj gij gingjsaek

daegbied gag miz, hawj vunz lumj youq baihdaw fuk veh gyaundeinei. Yawj dieg ranzmbanj gyoengqde, mwngz ndaej daejniemh daengz gij minzcuz fungcingz gyaeculili daegbied diegwnq.

Bae Dunghlanz yawj diegoj Veiz Bazginz, ndaej dingq daengz gij gojgaeq gyoengqde gaxgonq baenzlawz guh gwzming, gamjsouh gij cingzngaih gwzming senhle.

Youq Dwzbauj Yen caijfungh, dou youz ndoeng goraeu、baij roenmax gaeuq、yawj Cinanfuj Samdangz…… Baez daengz gizlawz, cungj roxnyinh gak cungj vwnzva vih bonjdieg gyoengqde demgya gij caw vunzcaiz naekna.

Moix baez caijfungh, gou mbouj–danh roxnaj haujlai baengzyoux, hix hawj gou gamjsouh daengz gyoengq–vunz diegwnq simhoengz gyaezhek. Daegbied dwg cimz gijgwn ndei daegsaek gyoengqde, hawj gou naengh

roengz congz couh mbouj nyienh caiq byaijdeuz. Doq gwn doq dingq gyoengqde gangj gij saeh bonjdieg, nauhyied raixcaix.

Gyoengq beixnuengx doq youz doq hag, raen gij gingjsaek ndei couh ingj siengq louzniemh, geiq bitgeiq, lau roh gijmaz saeh hung ityiengh.

Byaij okbae, yawj dieg vunz, gangj goj moq, gyau baengzyoux…… Gij caijfungh neix hawj ukgyaeuj dou mizok haujlai lingzganj, hix hawj gou hag ndaej haujlai daezcaiz moq.

Caen dwg geizheih lo, daj gou camgya geij baez caijfungh hozdung le, roxnyinh saedcej gvaq ndaej gig vaiq. Gij mbwq mbouj miz lo, ndaej hoengq couh doengh bit raizraiz, miz gihvei couh guhdoi okbae yawjyawj.

Seizneix gou camgya gak cungj beizyin, hag Sawcuengh、sij faenz–cieng, saedcej gvaq ndaej caensaed youh cungcuk.

Danq Boux Laeuj Fiz

□ Bingh Dauj/冰岛

Ngoenz gwn geij donq laeuj,
Ngaem gyaeuj caiq laep da;
Song fwngz oet ngamzga,
Yaek dai ma lele.

Gaen laeuj sam maenz haj,
Nghah hix mbouj gwn lai;
Gwn liux hoemj henz daiz,

Vaih baiz mingz lwgyah.

Gwn daengz mbouj ndaej sangj,
Hawj vunz ram ok dou;
Ninz gwnznamh lumj mou,
Vunz aeu guh goj lwnh.

Mbouj ndaej couh mbouj gwn,

Hawj lwg vunz sinhoj;
Gwn liux ram youh oq(aemq),
Sinhoj vunz mbouj noih.

Ram hwnj cisamloek,
Boek bae caiq boek dauq;
Gwn geij gaen laeuj byauq,
Mbouj ndaej dauq daengz ranz.

Vangz Meijyen fwt siengj daengz, “miz banhfap lo!” De sawqmwh hemqnaeuz. Liuz Fangh–fangh doeksaet, cam: “Gijmaz ‘miz banhfap’?”

Vangz Meijyen angq naeuz: “Mwngz heuh gou cam daxboh gou ra hong hawj daxboh mwngz guh, daxboh mwngz heuh ndaej bang vunzmbanj ndeu bae guh, song ndwen lai couh ndaej ngaenzhong sam fanh lai maenz, neix dwg gij goenglauz mwngz, yienghneix mwngz couh miz shwghwz heuh boh mwngz caeuq gyoengqvunz moix vunz gien song bak maenz.”

“Mbouj baenz ni.” Liuz Fanghfangh mbouj nyinh.

“Baenzlawz mbouj baenz?

Lauxdoengz

□ Moz Lijginz / 磨礼勤

Mbouj miz raemxmboq baelawz miz raemxrij lae, mwngz couh dwg goekmboq.” Vangz Meijyen naeuz.

“Gou mbouj gamj caeuq daxboh gou cam.” Liuz Fanghfangh naeuz, lumj guh loek saeh nei mboujeiqseiq.

“Mwngz mbei unq lai, gou ma ranz dwk denva caeuq daxboh gou naeuz.” Coenz vah Vangz Meijyen lumj lej bauqreng.

(Cibbet)

Ngoenzgonq fat caez cienz hawj daihgya, Cinz lauxbanj dajsuenq heuh daihgya bae Bwzhaij guh. Haemhgonq Cinz lauxbanj cingi

raeuz, gou guh daxboh hix aeu dingq ha.”

Vangz Meijyen cingqcingq gingging naeuz: “Gou caeuq Liuz Fanghfangh siengj youq gag mbanj ranz shwgeij hai aen gyadingz ranzdoegsaw ndeu hawj beixnuengx gwnz mbanj yawj. Vihneix gou daegdaengq yiengq daxboh Liuz Fanghfangh caeuq gyoengq beixnuengx de caiqlij gyoengq beixnuengx mbanj raeuz moix vunz gien song bak maenz.”

Vangz Gencingh baez dingq, daejriu mbouj ndaej, vunzlai hix dingqraen le, caem dingh mbouj oksing. Vangz Gencingh naeuz: “Mwngz dwg haepaeu! Lwgnyez gij ndei mbouj hag, bae hag gij vaih haenx.” Vangz Meijyen euq naeuz: “Gou bimoq hwnj cuhcungh lo, naeuz gou dwg lwgnyez, gou dwg cingjgouz, mbouj hawj couh suenq, naeuz gou dwg haepaeu……” (23)